
ДАНҒАРА ТУМАНИ ЧОДАКЛИК ҚИШЛОҒИДА ТАДБИРКОРЛАР МУАММОЛАРИ ЎРГАНИЛДИ.

Туман тадбиркорликни ривожлантиришга тўсқинлик қилаётган муаммоли масалаларни кўриб чиқиш ва мавжуд бюрократик, шу жумладан, ер участкалари, бинолар ва кредитлар ажратиш, рухсат берувчи ҳужжатларни олиш масалаларидаги тўсиқларни бартараф этилишини таъминлаш мақсадида Данғара туман ҳокимининг биринчи ўринбосари А.Абдуллаев ҳамда туманидаги Бош вазир қабулхонаси мудирини М.Холмирзаев билан ҳамкорликда Чодаклик қишлоғида сайёр қабул ўтказилди.

Қабулда 15 нафардан ортиқ тадбиркорлик субъектлари ҳамда тадбиркор бўлиш истагидаги фуқаролар қатнашди. Қабул давомида кўтарилган масалаларнинг 10 дан ортиғи жойида ҳал этилди, қолган мурожаатлар муддат талаб қилганлиги боис ваколатли органлар томонидан ўрганиб чиқишлик учун назоратга олинди.

Шунингдек, Чодаклик қишлоғида тери маҳсулотлари қайта ишлаш фаолияти билан шуғулланувчи тадбиркор Собиров Ҳамиджоннинг ишлаб чиқариш жараёни билан танишиб, тадбиркор ишлаб чиқариш фаолиятини аҳоли яшаш жойидан узоқроқ ҳудудга кўчириш бўйича қилган мурожаатига Чинобод қишлоғи ҳудудида жойлашган “e-auksion.uz” онлайн садога чиқарилган ер майдони таклиф этилди.

Бизни ижтимоий тармоқларда кузатинг [Facebook](#),
2021-02-10 17:57:13